



Ikamva-Ukunonophela  
abantwana bethu

IsoKolo seCawa 1

**Isihloko sesifundo: Amandla okholo**

# Isikhokelo soMzali

Isikolo seCawa saseKhaya



# Mzali Othandekayo

Wamkelekile kwisifundo sesikolo seCawa esithi “**Amandla okholo.**”

Olu xwebhu luya kunika isikhokelo esingekuphi ngendlela oza kusenza ngaso isifundo.

**Uzilungiselela usibeke njani na isifundo**

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: <a href="https://bit.ly/3NACSSHS">https://bit.ly/3NACSSHS</a>
2.	<p>Qokelela ezi zixhobo zilandelayo ukuze uqiniseke ukuba usilungele isifundo:</p> <ul style="list-style-type: none"><li>• iBhayibhile</li><li>• Isifundo esikwimo yePDF esele ilungisiwe</li><li>• Incwadi yomsebenzi womntwana kunye neepensile, iikhrayoni, njl.</li><li>• Isiqwana sevideo sisixhobo esongeziweyo / sisixhobo esongezelweyo sokuzikhethela</li></ul> <p><b>Qaphela:</b></p> <p>2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesikolo seCawa.</p> <p>2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45.</p> <p>2.3: Isifundo seseklasini ngaye (Umzekel. SS, RI okanye Isiqinisekiso).</p> <p>2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.</p>
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.

## Ukwenza iSifundo seSikolo seCawa ekhaya



## Uzilungiselela usibeke njani na isifundo

Siyaqhubeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. <b>Umzekelo:</b> Hlalani phantsi okanye ningqonge itafle.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

## Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



## Isifundo

<b>Isihloko seSifundo</b>	Amandla okholo
<b>Isicatshulwa seBhayibhile</b>	Luka 7: 1-10
<b>Injongo yesifundo</b>	Abantwana bayaqonda ukuba banokumthemba uThixo. Xa becela into kwiNkosi, Uya kubava, ayiphendule ngokwentando yaKhe.

## Isishwankathelo sesifundo:

- Umkhonzi ongumthetheli-khulu waseRoma oligokra wayephethe amasoldati ali-100. AmaRoma ayengakholelwa kuYesu kodwa ke lo mthetheli-khulu wayesazi ngoYesu nento uYesu wayenzayo.
- Wayengawakhohlakelannga amaYuda. Wayethobekile kwaye wayebonakalisa ukhathalelo lwabanye ngaphambi kwakhe.
- Esinye sezicaka zakhe sagula kakhulu, oko kwamkhathaza kakhulu. Wayesazi ukuba uYesu wayenawo amandla okuphilisa. Wacela imvume kubadala bamaYuda ukuba aye kuYesu nesicelo sakhe sokunceda isicaka sakhe. Abadala abangamaYuda benza isicelo kuYesu njengoko umthetheli-khulu wayeyindoda elungileyo.
- UYesu wayefuna ukuya kwikhaya lomthetheli-khulu, kodwa umthetheli-khulu wayengaziva efanelekile, wacela ukuba uYesu athethe amazwi aphilisayo. Wayekholwa kwaye enethemba lokuba isicaka sakhe siyakuphiliswa ngelizwi elinye elithethwa nguYesu.
- Eyona nto ibaluleke kakhulu kukuba umthetheli-khulu wabonakalisa ukholo lokwenyani kulonto kuba wathi uYesu akukho mfuneko yokuba aye kwisicaka, unako ukuthetha nje ilizwi kwaye siyakuphila.
- UYesu waguqukela kubantu ababemngqongile, wathi olu luhlobo lokholo nenkolo afuna ukuba sibe nayo, sikholwe kuYe ngokupheleleyo, sikholelwe kuye nakuYise osezulwini. UYesu wasiphilisa isicaka.



## Sithetha ukuthini esi sifundo kuthi namhlanje?

- Singabantwana bakaThixo kwaye siyazi ukuba uThixo unamandla.
- Kufuneka simthembele kuThixo wethu ngaphandle kwemiqathango.
- Siyazi ukuba sinako ukumxelela uBawo wethu osezulwini yonke iminqweno nezicelo zethu.
- Sikholelwa ngokupheleleyo ukuba uyakwenza isigqibo sokwenza okungcono kuthi.
- INkosi uYesu ifuna ukuba sibe nentliziyo ethembayo, ekholwayo nenjengeyomntwana.

## Eminye imibuzo esinokuyibuza:

**Umbuzo:** Yintoni umthetheli-khulu? Jonga umfanekiso okwincwadi ukuze ufumane impendulo.

**Impendulo:** Umthetheli-khulu ligokra elinamandla elinika imiyalelo – isoldati elinendawo ephezulu laseRoma.

**Umbuzo:** Ingaba umthetheli-khulu wayengumntu ombi?

**Impendulo:** Hayi, wayesoloko elunge kakhulu kwaye eluncedo kumaJuda, kwaye wayenobubele kwisicaka sakhe.

**Umbuzo:** Ingaba wayemhlonipha uYesu?

**Impendulo:** Ewe, kungoko wayeziva engafanelekile ukuba ukuba uYesu angangena endlwini yakhe.

**Umbuzo:** UYesu wasiphilisa njani isicaka sakhe?

**Impendulo:** Ngokuthetha amagama athi... "Njengokuba ukholiwe, kuyakuba njalo"

**Umbuzo:** Kwakutheni ukuze uYesu asiphilise isicaka sakhe ngaphandle kokuya kwindlu yomthetheli-khulu?

**Impendulo:** UYesu wathi: "Le ndoda iyandithemba ngokwenene. Ilizwi elinye lanele kuye. Ukholelwa kumandla am ngaphandle kokubona umangaliso omnye."

**Umbuzo:** UYesu wathi masenze ntoni ukuze sibe nako ukungena kubukumkanini baKhe?

**Impendulo:** UYesu wathi kufuneka sikholwe kuYe kwaye simthembe ngokupheleleyo njengaye umthetheli-khulu ukuze singene ebukumkanini baKhe.



**Umthandazo kaTata noMama wokuthandaza ngaphambi kwesifundo:**

Thixo othandekayo, enkosi ngale mini  
Sikelela bonke abazali kunye nabantwana  
Kunga singeva ubukho bakho  
Sikelela isifundo esiya kuba naso  
Nceda usifundise sikukhonze njani  
Kwaye sincede senze intando yakho  
Ukuze sisondele kufuphi kuwe  
Thumela uYesu ukuze asiphuthume  
Kwaye kwanga singakulungela ukuhlangana naYe  
Amen



Amabakala abalulekileyo

Amabakala abalulekileyo